



**Illusaqarneq pillugu ataatsimoortumik aqqissuuseqqinnissamut, tassungalu atatillugu pisortat aningaasalersuinermut qularnaveeqquisiarnissaanut, aammalu akitsuutsinik apparsaagallarnissanik, nuna tamakkerlugu isigalugu periusissiornissamut Naalackersuisut peqquneqarnissaannik Inatsisartut Aqqissuuseqqinnissamut pilersaarut aalajangiiffigisassaattut Inatsisartunut siunnersuut. saqqummiunneqassaaq aalajangiiffigisassanngorlugulu 2027-mi upernaakkut ataatsimiinnermi (UPA27)**

(Inatsisartunut ilaasortaq Erik Jensen, Siumut)

Illusaqarneq tassaavoq inuiaqatigiinni toqqammavik pingaaruteqartoq – ilaqutariit toqqissisimanerannut, akisussaassuseqarnermut aammalu inuiaqatigiinni patajaassutsimut tunngaviusoq. Inuk peqqissoq imminullu pilersortoq aamma namminerisaminik ineqassaaq. Atassummiit siunertaarput amerlanerpaat namminneq pigisaminnik initaartalernissaat. Perorsaalluarnikkut, akileraarternerullu appartinneratigut inuit akisussaassuseqarlutillu namminneq initaarnissaminnut akissaqarnerulissapput.

Taamaattumik illusaqarniarnermut politikkip siunertarissavaa innuttaasut amerlanerusut namminneq angerlarsimaffeqalernissaannik periarfissaqarnissaat, pisortanit pinngitsuuisinnaanerulernissaat kiisalu nammineersinnaassutsip nukittorsarneqarnissaa.

Nunatsinni ukiuni arlalinni ineriartortitsinerup takutippaa pisortat annertuumik akulerunnerat tamatigut kinguneqarluartanngitsoq. Pisortat annertunerusumik ingerlatsinerat ilaanni niuerfiup ineriartorneranik killiliisarpoq aammalu innuttaasunik pisortanut annertunerusumik pinngitsuuisinnaajunnaarsitsisarpoq. Tamanna Atassutip isumaqatigiinngissutigaa.

Taamaattumik siunnersuutip anguniarpaa allanngineq akisussaaffimmik, ataqqinninnermik aammalu kiffaangissuseqarnerusumik tunngaveqartoq. Pisortat qularnaveeqquisiarnissaannut aqqissuussinerit atorpeqarsinnaapput, kisianni killilimmik aammalu akisussaaffimmik. Siunertaanngilaq pisortat niuerfimmik taarsissagaat, kisianni tapersersuisuussallutik pisariaqartitsineq naapertorlugu.

**Innuttaasut** **nammineersinnaassusiannik** **nukittorsaaneq:**  
Politikki siunnerfeqassaaq innuttaasut namminneq illuuteqalernissamut periarfissaqarnerulernissaannik. Tamanna pilersinneqassaaq piumasaqaatit ersarinnerusut, aningaasaliinermut sinaakktissat patajaannerusut aammalu ileqqorissaartumik aningaasaqarnermik siursaaneq aqqutigalugu.



Sanaartornermut akitsuutsit apparsarnejarsinnaapput, kisianni tamanna pissaq aningaasatigut akisussaassuseqartumik, nunap karsiata patajaassusaa eqqarsaatigalugu. Sipaarniarneq aammalu pingaarnersiuneq ingerlaqatigineqassapput.

Ingerlatseqatigiiffiit namminersortut inuiaqatigiinni pingaaruteqarluinnarput. Taamaattumik unammilleqatigiinneq pitsaasoq pilersinneqassaaq, pisortat ingerlatsinerat minnerpaaffianiitillugu, namminersortut periarfissinneqarlutik aaqqiissutissanik pitsaanerpaanik pilersitsinissamut. Aaqqissuusseqqinnermi ileqqut pitsaasut, ataqqinninneq aammalu sumiiffinni pissutsit assigiinngitsut isiginiarneqassapput. Nuna tamakkerlugu periusissiaq ataatsimut isiginnittoqassaaq, kisianni aamma najukkani pisariaqartitat ataqqillugit. Politikki piffissamut sivirusumut atuuttusaaq pilersinneqassaaq, allanngorartuunngitsoq, innuttaasut aammalu suliffeqarfiit tatigisinnaasaannik. Tassani pingaaruteqarpoq aningaasaqarnikkut akisussaassuseq aammalu pisortat annertunerusumik akiitsoqalersinnaanerannik killilersuineq.

Atassutip upperaa inuiaqatigiinnik nukittuunik pilersitsineq aallartittartoq ataasiakkaanit – ilaqutariinnit, inuiaqatigiinnit mikisunit aammalu nammineerluni akisussaaffimmik tigusinermik. Illussaqaarniarnermut politikkip tamanna tapersersortariaqarpaa, killilersornagu.

Taama oqaaseqarluta Sanaartornermut ataatsimiitiamut innersuullugu inassutigaarput.